

# INUIT ATAQATIGIIT

## Inatsisartuni



30. september 2019

Inatsisartut Suleriaasianni § 37 imm. 1 naapertorlugu Naalakkersuisunut apeqquq imaattoq matumuuna saqqummiuppara.

### **Naalakkersuisunut apeqquq:**

- 1. 2018-mi 2019-imi ukiaanerani iliniarfiit aallartinnerannut qinnuteqartut qassit Nuummi atualernissaminnut qinnuteqarpat?**
- 2. Qinnuteqartut qassit inissaqannginneq pissutigalugu itigartinneqarpat 2018-imi 2019-imi ukiaanerani?**
- 3. Ilinniartut inissaqartinniarlugit kollegiani inissat qassit Namminersorlutik Oqartussat nammineq ingerlataasa avataatigut nassaarineqartariaqarsimappat 2018-imi 2019-imilu?**
- 4. Nuummi namminerisaminnik iniutillit ilinniartunut inissamik neqerooruteqartut boligsikringimik tapiiffigineqartut ullumikkut qassiuppat?**

(Inatsisartuni ilaasortaq Sofia Geisler, Inuit Ataqatigiit)

### **Tunngavilersuut:**

Kollegiani inissat pillugit piffissami matumani aamma oqallinnermi paasinarpoq taakku amigaataanerat qanoq annertutigisoq, tamatumunngalu ilaliullugu namminerisaminnik iniutillit attartorfigineqartariaqarnerat annertussasoq. Kollegiat pillugit maanna pilersaarutaasoq naapertorlugu 2024 tikittariaqarparput kollegiani inissiat 1000-it Naalakkersuisut Siulittaasuata ammaanermi oqalugiaatimini eqqaasai takussagutsigit.

Taamaattumik qulaani apeqquutigisakka nassiuppakka paaserusullugu kollegiani inissiat ullumikkorpiaq qanoq inissisimanersut, aamma boligsikring aqquutigalugu aningaasartuuteqarfiusut qanoq annertuginerat paaserusullugu.

Kissaatigivara apeqquutikka ullut suliffiusut qulit qaangiutinnginneranni akineqarnissaat.